

四庫全書

經部

欽定四庫全書

經部

詩說解頤正釋卷二十一

詳校官監察御史臣沈孫璉

通政使司副使臣莫瞻菴覆勘

覆校官博士臣劉光第

校對官中書臣石鴻勳

謄錄監生臣張五誥

欽定四庫全書

詩說解頤正釋卷二十一

明季本撰

桑扈

經旨曰此天子美方伯之善於其職也當為大雅

交交桑扈有鶯其羽

興也

君子樂胥受天之祜

興意

桑扈竊脂也說見小宛此鳥食肉而不食穀喻肉食者不厲民以自養也鶯文貌言其羽文章外見也君子指為方伯者樂心無所累也不剥其民則無計利

之心而安於天理故樂也人心歸之即天祐也

○交交桑扈有鶯其領

興也

君子樂胥萬邦之屏

興也

○屏

郢反下

章同

領頸也萬邦指小國言屏塞門所以蔽外者言小國皆賴之屏蔽也

○之屏之翰百辟為憲不戢不難受福不那

賦也

翰幹也所以當牆兩邊障土者也辟君也百辟言其所統之諸侯也戢謂收斂不敢肆也難謂謹畏不敢

易也戢難是勉之以脩德之實那多也

○兕觥其觶旨酒思柔彼交匪敖萬福來求

賦也

兕觥旨酒以邦交燕饗之禮言觶角上曲也柔謂以德懷柔之也匪敖謂柔德也即上文不戢不難意言有德則人心所歸福不待求而自至也

桑扈四章章四句

鴛鴦

經旨曰此美人君求賢而祝頌之詩非答桑扈也亦

當為大雅

鴛鴦于飛畢之羅之

也此

君子萬年福祿宜之

也賦

鴛鴦匹鳥也止則相偶飛則為雙此鳥之和順而有
文者以此賢者和順積中而英華發外也畢小罔長
柄者也羅罔也畢則執以掩物羅則張以待鳥畢之
羅之則賢者皆入於網中矣君子指其君言君子能
盡收天下賢才而用之則萬年宜享此福祿矣

○鴛鴦在梁戢其左翼

也此

君子萬年宜其遐福

也賦

梁東萊呂氏以為橋梁魚梁皆是不必專以為石絕
水之梁也戢歛也張子曰禽鳥並棲一正一倒戢其
左翼以相依於內舒其右翼以防患於外蓋左不用
而右便故也或謂鳥翼右掩左雄左掩右雌舉雄而
言非也鴛鴦在梁而戢左翼未飛而自衛時也賢人
在山林獨善其身者如此今亦為君子用之宜其享
遐福於無窮也

○乘馬在厩摧之秣之君子萬年福祿艾之也

賦

摧莖芻也秣飼穀也言君子以已所乘在廐之馬而
摧秣芻穀飼之以迎賢者此賢者所以為其所網也
艾長久之意

○乘馬在廐秣之摧之君子萬年福祿綏之

賦也

綏言於艾後即遐福之意
鴛鴦四章章四句

頌弁

經旨曰此天子燕兄弟甥舅而與燕者感悅之詩似

亦欲遠怨以相忘於形迹者蓋與伐木意同疑即答
伐木也亦為大雅

有頍者弁實維伊何爾酒既旨爾殽既嘉豈伊異人兄

弟匪他

賦也

薦與女蘿施于松柏

北也

未見君子憂心弈弈

既見君子庶幾說懌

賦也

○幾音機後凡庶幾
幾微之幾並同

頍舉頭貌錢氏曰舉首則弁愈高弁皮弁孔氏曰天

子燕羣臣用玄冠親同姓用皮弁言天子服皮弁而

頍然在首者此何為哉亦惟以我兄弟非異人而具

旨酒嘉殽以燕之耳匪他無他心也施延及也我兄弟猶薦與女蘿也施於松柏之高猶附於天子之尊也附天子以為親此其所以非異人也但我兄弟心懷自疑則憂心不能無弈弈者弈與奕同弈弈重疊之義及見天子與之燕飲合歡而庶幾得自說焉蓋始忘其形迹矣君子正指天子也

○有頍者弁實維何期爾酒既旨爾殽既時豈伊異人兄弟具來

賦也

薦與女蘿施于松上

比也

未見君子憂心忼

怲既見君子庶幾有臧

賦也○期音其

何期之期當作其即夜如何其之其具來則無他心

可知矣

○有頍者弁實維在首爾酒既旨爾殽既阜豈伊異人

兄弟甥舅

賦也

如彼雨雪先集維霰

興也

死喪無日無幾相

見樂酒今夕君子維宴

興也

言甥舅者燕兄弟而併及甥舅也無幾相見兄弟甥

舅自相謂也蓋老則將死欲其盡今日而樂酒也如

此則篤親親之情而天子之心亦安矣兄弟甥舅苟有不協而天子能坦然忘懷乎

頌弁三章章十二句

車牽

經旨曰此君子得賢妻而自慶之辭也其體似風

間關車之牽兮思變季女逝兮匪飢匪渴德音來括雖

無好友式燕且喜

賦也

間關軹牽間相關之意牽車軸頭鐵也無事則脫行

則設之說見泉水軹者穀末之小穿亦謂之轄所以
貫牽者也變美貌逝往括會也言我所以思變然之
少女而貫牽於軹以往迎者非以饑渴之故而資其
養也特以德音之善而欲其來會耳凡人之德賴友
以成既得季女之賢自足以助我成德雖無好友而
式燕且喜矣此則以得賢女為慶也

○依彼平林有集維鵒

興也

辰彼碩女令德來教式燕且

譽好爾無射

興意

○射音繹與敦

同說見葛覃

意

同說見葛覃

意

同說見葛覃

意

鷓鴣之別名微小於雉走而且鳴其尾長肉甚美平
林林木在平地者也辰時也碩女以德言鷓鴣文鳥言
平林茂木有文采之鷓鴣集而依焉喻已有碩女能及
時來配而以令德教我也如此不惟可以得其燕安
且有以成我美譽則碩女之德誠可為全而我之好
是懿德寧有厭射之心乎

○雖無旨酒式飲庶幾雖無嘉殽式食庶幾雖無德與

女式歌且舞

賦也

女指季女此承上章言既得令德而成美譽所謂令
聞廣譽施於身不願人之文繡既醉以酒既飽以德
者也所以雖無美酒嘉穀而亦庶幾飲食之矣與助
也歌舞興起貌言我雖無德以助女女今以令德來
教而我且興起不倦則於女之為善亦少有助矣

○陟彼高岡析其柞薪析其柞薪其葉湑兮興也鮮我覯

爾我心寫兮

興意

柞惡木即鵠羽所謂栩也湑滋濡貌鮮新也初也寫

傾瀉無留滯之意言柞生於高岡之上無人培植方將折而為薪然雨露滋濡而其葉滑滑猶有生意喻已不才而生於遠人之地宜為棄物今賴賢妻而興起以成美譽也蓋當我初遇爾方新之時心即傾瀉而無留滯其感應之速真若時雨之化莫知其所以然者謂非女令德之滋益乎

○高山仰止景行行止

興也

四牡騤騤六轡如琴覲爾新

昏以慰我心

興意

高山言山之高也景行言路之大也止語辭駢駢牡馬行疾之貌如琴能調和也言賢女在車中之時御者習聞其德能調牡馬而不敢肆使之如琴之和故一見即慰我心而仰高山行景行之心自不能已矣斯人也孔子稱其好仁載在表記豈虛語哉

車牽五章章六句

青蠅

經旨曰此警戒王勿聽讒言之詩亦直言時事而非

親告於王者也集傳得之矣

營營青蠅止于樊

興也

豈弟君子無信讒言

興意

營營往來飛聲亂人聽也青蠅羽蟲之汙穢而能變黑白者止於物則穢敗而生蛆復變為蠅無有紀極也樊藩也言將入於藩籬也君子指王

○營營青蠅止于棘

興也

讒人罔極交亂四國

興意

棘荊棘所以為藩也四國四方也亂四國言禍之所及者遠也

○營營青蠅止于榛興讒人罔極構我二人興

意

榛亦以為藩也四國之亂自構我二人始已與聽者為二人

青蠅三章章四句

賓之初筵

經旨曰衛武公懼飲酒之亂德故作此詩蓋為周卿士時自戒之言也否則當為衛風矣義與大雅抑之詩相似竊意抑當移附於此以為一類

賓之初筵左右秩秩籩豆有楚殽核維旅酒既和旨飲
酒孔偕鐘鼓既設舉醕逸逸大侯既抗弓矢斯張射夫
既同獻爾發功發彼有的以祈爾爵

賦也

筵詳見行葦字義初筵初即席也左右筵上之人也
楚濟楚貌肉曰殽豆實也果曰核籩實也旅衆也華
谷嚴氏以為品之多是也鐘鼓之設為燕故也將射
而遷樂于下以避射位此一時權宜於禮自應如此
奚足論乎舉醕舉所奠之酬爵是為旅醕矣詳見楚

次字義逸逸從容有序而無急遽之狀至旅醵時易
亂故以逸逸為善此以上言賓燕也大侯君侯也詳
見猗嗟字義抗舉也大侯抗而弓矢亦張其節然也
射夫既同此其耦也獻猶奏也發發矢也功中的之
功也的質也如所謂天子熊侯白質諸侯麋侯赤質
也祈求也爵罰爵即觶也不勝取觶立飲所以自罰
而勝者但求免此爵而已所謂無所爭者如此此以
上言既燕而射也當射時用酒惟以示罰非有所求

也但射則必有燕飲之事故言射之為禮始終不亂者如此以見飲酒者不可以不敬也

○籥舞笙鼓樂既和奏烝衍烈祖以洽百禮百禮既至有壬有林錫爾純嘏子孫其湛其湛曰樂各奏爾能賔載手仇室人入又酌彼康爵以奏爾時

賦也 ○仇音拘

籥舞文舞也笙鼓堂下樂也烝進衍樂烈業洽合也百禮事神之衆禮也百禮皆蘊蓄於中如妊子然故曰有壬百禮皆發見於外如叢木然故曰有林錫神

錫之也爾指主祭者嘏福也子孫烈祖之子孫也湛
樂之甚也尸既嘏主人以福則子孫皆樂而於三獻
之後長兄弟復先舉觶而獻尸以致其敬所謂奏爾
能也賓載手斟賓長加爵以獻尸也室人入又主人
之佐食亦入以加爵也獻尸在室故曰室人入又康
安以酒之能安體言見其非亂性之物也斟者挹於
罍也酌者注於爵也此在祭禮合於時宜故曰各奏
爾時按孔氏疏加爵當在各奏爾能之前但以子孫

其湛文與上連故以賓與室人附其後耳不以酌獻
先後為次也此但娛尸而已其後方有旅酬之事當
祭時用酒惟以娛神非志於酢也但祭則必有燕飲
之事故言祭之為禮始終不亂者如此以見飲酒者
不可不敬也○長樂劉氏曰言文舞則武舞見矣言
笙鼓則八音舉矣因射而飲者飲在射先因祭而飲
者飲在祭後上二章皆言凡飲之初禮樂之盛如此
則必不至於亂也

○賓之初筵溫溫其恭其未醉止威儀反反曰既醉止威儀幡幡舍其坐遷屢舞僂僂其未醉止威儀抑抑曰既醉止威儀忸忸是曰既醉不知其秩

賦也

反反顧禮也幡幡輕數也舍其坐遷謂舍已所坐之位而遷就他位也僂僂軒舉之狀抑抑謙下也忸忸媿媿也秩即首章之秩秩此言當時凡飲酒者初皆未遽失禮而終至於亂不如初也

○賓既醉止載號載呶亂我籩豆屢舞僂僂是曰既醉

不知其郵側弁之俄屢舞傚傚既醉而出並受其福醉而不出是謂伐德飲酒孔嘉維其令儀

賦也

號呼呶譟也籩豆本有楚今因號呶而亂矣傚傚傾側貌郵與尤同過也側傾也俄傾貌傚傚退蹶之狀既醉而出以起下文並受其福者謂主無慢賓之失賓無失德之愆也不出謂屢舞不已而不知去也此章極言飲醉者之狀而戒其以德將也

○凡此飲酒或醉或否既立之監或佐之史彼醉不臧

不醉反恥式勿從謂無俾大怠匪言勿言匪由勿語由
醉之言俾出童殺三爵不識矧敢多又也賦識音

監監禮者也史書過者也蓋古司正御史之屬立之
監以監之佐之史以書之所以防失禮也從謂從而
與之言也言不當理謂之匪言言自言也語不由心
謂之匪由語與人語也由醉之言則謂匪由矣上章
所謂號呶皆根於此童不角也殺牡羊也童殺猶易
所謂童牛言其方在乳時也羊本柔物况當其乳乎

人之柔弱不立者如乳羊然故以童殺示罰使知自愧也意此亦古人監酒者之常罰耳三爵孔氏謂獻也酢也酬也為三則每人之飲爵不及三矣故三爵者總旅酬及無筭筭爵而言也識記也言人之飲酒有醉者有不醉者自不醉者觀之則其視醉者反以為恥可見人之良心未嘗不顯特為醉而自昏耳此全在監史能正之也監史當醉者將怠時但不能從而與言使不至於大怠耳必使匪言者勿言匪由者

勿語而言由於醉者則罰之使出童殺以示辱則三爵之後苟不能記其心必亦知警言豈復肯多飲乎此章言飲酒當立監史以為戒也

賓之初筵五章章十四句

魚藻

經旨曰序稱刺幽王也言萬物失其性王居鎬京將不能以自樂此數言者得詩意矣蓋亦譏切時事之言云

魚在在藻有頌其首

興也

王在在鎬豈樂飲酒

興意

藻水草也頌大首貌首大而尾長乃魚之瘠者豈亦樂也安然而樂於飲酒也華谷嚴氏曰水深則魚樂所謂躍淵縱壑相忘於江湖者也今淺水生藻而魚在焉露其頌然之大首猶言魚在于沼亦匪克樂喻民之窮感窘迫也幽王在鎬京豈樂而飲酒夫民安而後君安今民失其所而王獨樂其能久乎孟子所謂雖有臺池鳥獸豈能獨樂哉

○魚在在藻有莘其尾興也王在在鎬飲酒樂豈興意

莘長貌莘谷嚴氏曰潛魚願深渺今既露其首復驚
逝而露其莘然之長尾蓋在淺水之處故逃竄窘迫
首尾俱見也三山李氏曰樂豈但倒其文以便韻耳

○魚在在藻依于其蒲興也王在在鎬有那其居興意

蒲水草之近岸者也那安也莘谷嚴氏曰藻猶在水
之中蒲生近岸則水又淺矣愈更窘促也幽王在鎬
安然以居不知危之將至也

魚藻三章章四句

采菽

經旨曰大國崛起強天子致其來朝而作詩以示懷諸侯之意焉當是宣王時詩蓋大雅也

采菽采菽筐之筥之也興君子來朝何錫予之雖無予之

路車乘馬又何予之玄衮及黼興意

菽鄭氏以為大豆也詳見七月字義采非謂采葉為藿當如采芑之采蓋五穀之大者莫如菽既采而貯

之筐筥以收歛之使無散逸喻諸侯之強大亦當收
之使有所歸也路車詳見渭陽字義玄衮及黼詳見
九罍字義君子指諸侯也予之以車馬衮黼者未實
與也因其不常脩朝禮而以是警之謂於女分所當
有者未嘗吝也此章言諸侯來朝而天子必有寵命
也

○威弗檻泉言采其芹

興也

君子來朝言觀其旂其旂淠

淠驚聲嘒嘒載駟馬君子所屆

興意

感沸泉湧出聲檻與陷同深也芹水菜潔白有節氣
芬芳可為菹泉自下湧出勢本流通但為芹所塞則
流始窒耳采其芹所以去塞而使通也淠淠旂來貌
嚶嚶小聲將至君門不敢疾馳而其聲細也自其服
外兩騶而言則曰騶併兩服而言則曰駟皆謂諸侯
乘馬也即其旌旂車馬而知諸侯之至則有以服強
梗之國而於治無所壅矣此章言天子懷諸侯因其
至而喜之也

○赤芾在股邪幅在下彼交匪紓天子所予樂只君子
天子命之樂只君子福祿申之

賦也

脛本曰股邪幅偏也邪纏於足如今行滕所以束脛
在股下也諸侯見於天子服赤芾而以邪幅纏足則
在股者不動便於行也交上交也匪紓行之疾也如
此則諸侯急於盡職而可樂矣可樂則當為天子所
予而錫以車馬袞黼之命命之不已即是福祿之所
申也此章言諸侯能盡臣職而後得天子之寵命也

○維柞之枝其葉蓬蓬

興也

樂只君子殿天子之邦樂只

君子萬福攸同平平左右亦是率從

興意

○殿多見反
平脾延反

柞說見車牽以喻諸侯之強梗枝葉則喻其左右之

臣也雨露不以惡木而不滋故其枝葉猶蓬蓬然而

盛以喻諸侯雖強梗天子曷嘗有所棄哉惟諸侯有

可樂之德不以崛強梗治使天子之邦得以殿安則

必有寵命及之而萬福同聚於其身矣其諸臣亦皆

平平然無險僻之心而率循殿安之德無一人異志

者則所謂枝葉蓬蓬者蓋在此矣所以為萬福攸同也此章言天子福澤無處不到而諸侯當盡臣職也

○汎汎楊舟紼纜維之

興也

樂只君子天子葵之樂只君

子福祿脗之優哉游哉亦是戾矣

興意

紼紼索也纜維皆繫也葵與揆同度也脗厚也楊舟汎汎必以紼而纜以維之庶幾有定以喻諸侯放恣必以德維持之然後歸一所謂德者揆度其心而已能揆則必矜其不能而所以處之者無不曲盡凡寵

命之加而為福祿之晚者皆揆諸侯之德也歐陽氏
謂緋纚維舟如天子以爵命維持諸侯是已此在諸
侯恪共臣職以求為可樂之君子也戾背也若優游
怠緩不急自新則於福祿之晚者自相戾矣此章言
諸侯當早定自安之計也

采菽五章章八句

角弓

經旨曰周王不能以身教兄弟而惟驕傲以致其踈

遠君子憂之故作是詩舊說以為幽王好讒佞而骨肉相遠則未見其有疾讒之辭耳

駢駢角弓翩其反矣

興也

兄弟昏姻無胥遠矣

興意

駢一作解調利也翩與偏同反之貌也言角弓本調利而不善紕繫則翩然而反猶兄弟昏姻本皆切近而不與相親則外反而去矣言王不可遠也

○爾之遠矣民胥然矣爾之教矣民胥效矣

賦也

此承上章相遠而言以明其當身教也上之人於兄

弟而相遠則民莫不然而亦遠之矣若以親親之道教民則民莫不效之而相親矣孰肯有相遠者哉民指兄弟而言後章同

○此令兄弟綽綽有裕不令兄弟交相為瘡也賦○令音零

令猶教也綽綽有裕言其有寬容之量而無計較之私有計較之私則交相為病矣此申上章之意

民之無良相怨一方受爵不讓至于已斯亡也賦

怨者遠之所生也一方猶言一隅偏執已見而不相

通也爵錢氏以為酒爵也已斯亡猶言亡斯已也言人惟不善所以偏執已見而怨局一隅全無綽綽有裕之量也至於飲酒受爵之際禮之所宜讓者此蓋徐行後長之類本無難事而亦侈然受之不辭以喻人但欲責望於人雖其施已厚而不知也則不至於亡身不止矣此言人之所以當教也

○老馬反為駒不顧其後如食宜齧如酌孔取也

此也

駒小馬也尚未羈銜其行無制老馬則閑習之久者

也苟於人不知所以教之則雖老馬無不恣行亦如
駒之無制而亂馳矣不顧其後者望前而行則不知
其後之有失也餽飽也惟人不知禮讓則求欲無厭
如食者宜飽至於已飽則可已矣而欲飲者酌取至
甚無所止極豈其宜哉蓋以食與飲互文以終其意
也此申上章言不教者之無良如此

○無教獮升木如塗塗附也君子有微猷小人與屬也

獮獮猴也獮性輕佻本善升木無待於教教之升木

則益桃矣塗本用泥宜以粉飾又以塗附則益污矣
以比人之無良者不以善率之則適以長其惡而不
能去矣君子指王言有微猷是以身教也如此則小
人皆屬附之而為善矣此章言感應之速而在上者
不可不以身教也

○雨雪瀼瀼見覲曰消

比也

莫肯下遺式居婁驕

賦也

(一)婁音

屢

瀼瀼急而盛也覲日氣也雨雪雖盛見日而消以比

人雖無良見善卽化也下卑下之意謂讓道也遺猶施也婁與屢同常也上之人莫肯以卑下之道施教於民但常驕以自居若與人不相親者則民之無良豈民之罪哉此承上章言民本易化而人莫肯教也

○雨雪浮浮見興曰流也如蠻如髦我是用憂興意

浮浮者積高而將流之貌流流而去也髦當作鬣蠻鬣無禮義而相殘賊是王以夷狄之教率之也○此詩言兄弟之有不善係於君之身教不能化而為善

則其情遠而不親必至責望而生怨矣

角弓八章章四句

苑柳

經旨曰此因寮友有喜於有為者而諷之以養晦待時也故作此詩舊說以為諸侯不朝王而作則其言非所以為訓矣

有苑者柳不尚息焉興也上帝甚蹈無自暱焉俾予靖之

後予極焉興意

蹈踴躍喜動之貌靖靖亂也自暱者自取之意予指
所諷之人而言苑然茂盛之柳不庶幾可止息於此
乎言其可止而不止也上帝甚蹈言天行之動而不
息也蓋指好動而言矣然不可以為天意如此而暱
之以必行也必待其使我靖安邦國責有所歸然後
極其力而為之乃無咎耳

○有苑者柳不尚惕焉興也上帝甚蹈無自療焉俾予靖

之後予邁焉興意

惕息也瘵勞病也自暱必至於自病皆自取也邁往也

○有鳥高飛亦傳于天

興

彼人之心于何其臻曷予靖

之居以凶矜

興

意

附

傳音

傳與附同彼人謂他人不與我同休戚者居以存諸
心言凶矜者凶危矜慎之意鳥之高飛傳天喻好高
之狀也言雖喜於有為而不足以副人責望之心彼
之責我亦何所至止哉就使加我以靖亂之責我亦

當何以處之必須常以凶矜存心然後可以善後不然則好大喜功鮮有不敗者矣

莞柳三章章六句

詩說解頤正釋卷二十一

欽定四庫全書

詩說解頤正釋卷二十二

明季本撰

都人士

經旨曰此必東遷之後東都之人思西周之盛而為
此詩也有似於王風耳

彼都人士狐裘黃黃其容不改出言有章行歸于周萬

民所望

賦也

彼都自東都言故以西都為彼都也士謂男子也貴

賤之通稱狐黃者多黃狐裘庶人所得通用非貴服也周忠信也忠信則其德無關故謂之周容不改容有常也言有章言順序也行歸于周德無關也此章言士之有恒心者其知禮義如此

○彼都人士臺笠緇撮彼君子女綢直如髮我不見兮

我心不悅

賦也

臺笠出田時所戴也以在野言緇撮居家時所戴也以在國言皆謂庶人君子女者當時人人有君子之

行故女為君子之女綢密也綢直以髮言謂但如其髮之綢直以為髻不用鬕為高髻也此章言民俗之樸素如此

○彼都人士充耳琇瑩彼君子女謂之尹吉我不見兮

我心苑結

賦也

琇與淇與琇瑩之琇同充耳琇瑩謂惟以琇為充耳而尚實無他華美也吉與姑同尹姑二大族之以賢稱者但言尹姑而裝飾之不尚華麗可知矣苑屈也

此章言貴族之服飾其不侈如此

○彼都人士垂帶而厲彼君子女卷髮如蠶我不見兮

言從之邁

賦也

帶大帶孔氏曰禮大帶垂三尺者是也而常作如厲者從其垂下如將履之有危厲之意焉卷髮者自髮之不綢直者言也蠶螫蟲尾長而其末捷然似髮之上曲者蓋髮長則斂而短者則因曲以為飾一順自然也此總上二章發其所未盡之意

○匪伊垂之帶則有餘匪伊卷之髮則有旃我不見兮

云何盱矣

賦也

旃揚盱望也此承上章而言古之為容者惟從其自然不事脩飾也觀此則東周服飾之盛奢而不中禮者多矣

都人士五章章六句

此詩於男皆曰人士以男皆有士行也於女皆曰君子女以女皆賢父之所生也亦可以

見民俗之皆善矣然特舉尹媼二姓以言女
蓋尹氏之賢著於吉甫媼氏之賢著於蹇父
皆宣王時人也意此二姓具有姆儀故娶女
者稱重耳然則此詩所謂彼都其在宣王之
世歟

采綠

經旨曰此婦人因其夫約歸過期而待之之詩也似
當為風耳

終朝采綠不盈一朶予髮曲局薄言歸沐

賦也

自旦至食時為終朝綠即菴一名王芻俗呼木賊兩
手曰朶局卷也綠澁礪之草可以洗攪故采之綠本
易得終朝采之而不盈一朶為夫有期而汲汲欲歸
沐也女為悅已者容久不櫛而髮曲局則非所以為
容故沐以待夫耳此以方及五日之期言也

○終朝采藍不盈一簍五日為期六日不簍

賦也

藍染草即今之靛簍衣蔽前當蔽膝之處而非蔽膝

也詹與瞻同上言采綠此言采藍必采藍在六日不詹之後矣

○之子于狩言張其弓之子于釣言綸之繩

賦也

理絲曰綸此追言其夫平日在家時如此非謂欲與之俱也

○其釣維何維魴及鰈維魴及鰈薄言觀者

賦也

此承上章言其夫平日釣魚以歸亦畧與我觀之其親厚如此則今日之歸安得而不早待乎

采綠四章章四句

黍苗

經旨曰宣王時以謝為荊徐要衝之地封申伯於此以鎮撫南國因平淮之後召穆公在江漢先使營謝而南行之士將歸故作此詩以美其成功也南行之士止為城謝而發非從召穆公之在江漢者也

芄芄黍苗陰雨膏之

興也

悠悠南行召伯勞之

興意

悠悠遠行意北自鎬京至謝故曰南行此章總言召

公能慰勞南行之士使忘其勞也

○我任我輦我車我牛我行既集蓋云歸哉

賦也

我南行之士自謂也任負任者輦人輓車司馬法曰周十五人而輦即謂此也車大車任重載者即牛車也蓋以將車者言車中有牛而將之也下云牛以牽傍者言也在前曰牽在傍曰傍牛不在轅中者則別牽傍之故車與牛分而為二也此皆工作所需之器具如司馬法所謂斧斤鑿鋤之類則以民間之役車

載之不在天子萬乘內之車也蓋必賃於民者古者
寓兵於農但出車乘而已無別賦也蓋者不定之辭
謂將歸而尚在謝也

○我徒我御我師我旅我行既集蓋云歸處

賦也

徒衆也謂步行從車者御謂御兵車者師以合聚言
旅以部分言周禮司徒五卒為旅五旅為師亦此意
也皆言從行者事畢而可以歸之意○上章任輦車
牛言載器具之役車此章徒御師旅言受工役之士

卒皆自周調發而不以勞謝民蓋先王調兵之制多
自京師而不徵發於諸侯之國詳見讀禮疑圖卷三
○肅肅謝功召伯營之烈烈征師召伯成之

賦也

肅肅嚴正貌謝申伯之所改封即今信陽州屬汝寧
府說見王風揚之水營治也謝功之營不但築城邑
而已凡疆理之事皆在其中矣此以征師之我行既
集者歸於召伯謝功之成也

○原隰既平泉流既清召伯有成王心載寧

賦也

土治曰平水治曰清原隰既平以田野言泉流既清以溝洫言相其原隰之宜通其水泉之利則謝民得以遂其生矣召伯以此成功則王心豈不寧哉亦以見宣王之志惟在於安民也

黍苗五章章四句

此詩當在崧高之前本一類也

隰桑

經旨曰此婦人於蠶桑之時得見其夫而作此詩蓋

有似於風也

隰桑有阿其葉有難

興也

既見君子其樂如何

興意

○難乃多反

隰下濕宜桑之地也阿美貌難盛貌皆枝葉條垂之狀君子指夫言蓋感桑之方盛而以得見君子為樂也

○隰桑有阿其葉有沃既見君子云何不樂

賦也

沃光潤貌

○隰桑有阿其葉有幽

興也

既見君子德音孔膠

興意

幽黑色桑茂盛則色黑德音者德惠之言也孔膠者謂甚固而不變其初心也

○心乎愛矣遐不謂矣中心藏之何日忘之

賦也

心乎愛者婦人自言其愛之出乎心也遐何謂言也遐不謂者不能言其所愛也中心藏之者藏其愛也何日忘之者久於愛而無以自解也蓋愛本難言故既見君子而欲言不能也則有中藏於心而已其愛之真切何如哉此惟婦人於夫方有此情若以語懷

賢則恐未必然耳

隰桑三章章四句

白華

經旨曰幽王嬖褒姒而黜申后故申后怨而作此詩也然惓惓望王之正家而自咎其不能感動亦可謂怨而不怒矣

白華菅兮白茅束兮

比也

之子之遠俾我獨兮

賦也

白華野菅也似茅而滑澤無毛根下五寸中有白粉

者柔韌宜為索白華已漚則為管有為索之用而白
茅則不可用也白華為白茅所束猶嫡為妾所制而
不得有為也之子指幽王遠謂遠我而親褒姒也遠
則獨處矣

○英英白雲露彼菅茅

比也

天步艱難之子不猶

賦也

茅管即束管之茅謂褒姒也天無雲則有露有雲則
無露白雲水土輕清之氣未為層雲也而英英如花
粲然則尤輕而不蔽明矣故其氣薄而易散是將不

露而猶露也。以比幽王恩澤之偏於褒姒，雖欲不施而不能止也。天步猶天運，天步艱難以天下將亂言。此宜正身齊家以為治國之本，而王不之圖，乃嬖褒姒何哉？

○漉池北流浸彼稻田

比也

嘯歌傷懷念彼碩人

賦也

漉池蓋近豐之池，豐水北流入渭者也。池非大水，對碩人而言，小大之別也。碩人者，以其有天下國家之責而言，指幽王王本碩人，宜有大恩澤以遍及於物。

者而不如漉池之浸稻田即此一念之偏不能正國之所係也碩人如此安得不嘯歌而至於傷懷哉

○樵彼桑薪印烘于煨維彼碩人實勞我心

賦也

樵采也桑非可以為薪言桑薪則無薪可燎而采桑以供薪也印我烘燎也煨孔氏以為今火爐也言被黜獨處采桑薪以自供見王之恩澤不加而使我自苦之甚也

○鼓鐘于宮聲聞于外

比也

念子惻惻視我邁邁

賦也

宮深密之地言鼓鐘于深宮必聲聞于外以比中有實德則王必知之而有感動也惛舊云七到反孔氏疏亦作慘而以慘慘釋之於義為長此盖反躬自責之辭程子曰此章自傷其誠意之不能動王也惛惛然憂戚而曾不能感動視我邁邁而去

○有鶯在梁有鶴在林

比也

維彼碩人實勞我心

賦也

鶯禿鶯也陸農師曰一名扶老狀如鶴而大赤目頭高八尺好啗蛇色青鶯似鶴而貪濁非鶴比也今鶯

據魚梁而飽鶴遠引在林而饑以比褒姒進而申后
黜碩人不當如此也

○鴛鴦在梁戢其左翼也比之子無良二三其德也賦

鴛鴦有定偶之鳥戢其左翼以依雄也說見鴛鴦篇
言我常依王而王自二三其德耳

○有扁斯石履之卑兮比之子之遠俾我底兮賦也○音扁

扁

扁卑貌底病也人履扁石而卑以比寵妾而賤自賤

如此豈碩人所宜哉故我以遠我為病者非為我之失愛也正以王自賤則失其所以為尊耳

白華八章章四句

緜蠻

經旨曰賢者感大夫下士禮意之厚而不敢辭故作此詩觀其命後車載之則大夫必先驅以親造其廬矣

緜蠻黃鳥止于丘阿興也道之云遠我勞如何飲之食之

教之誨之命彼後車謂之載之

興意

縣蠻鳥聲土一成曰丘阿丘之曲中偏僻之地人所不見也我勞如何者謂道遠不勝其勞也後車副車也

○繇蠻黃鳥止于丘隅

興也

豈敢憚行畏不能趨飲之食

之教之誨之命彼後車謂之載之

興意

丘角曰隅亦人所不見之處憚辭難也趨疾行也不能疾行亦畏勞之意

○縣蠻黃鳥止于丘側

興也

豈敢憚行畏不能極飲之食

之教之誨之命彼後車謂之載之

興意

丘傍曰側亦人所不見之處極謂極力以往則勞矣

○此詩三章皆以黃鳥起興言黃鳥止於人所不見之處以喻賢者遁迹山林之間則於時事邈乎其不相及矣而衰廢之身憚於遠出有不勝疾驅極力之勞者但今飲我食我教我誨我又命後車載我則所以禮我者至矣如之何其可愬然乎哉

縣蠻三章章八句

瓠葉

經旨曰此士庶人飲酒常用之樂歌非必天子諸侯之燕會也

幡幡瓠葉采之亨之君子有酒酌言嘗之

賦也

幡幡翩翩之貌以未采時言也瓠葉初生時熟之可以為葅嘗酒也

○有兔斯首炮之燔之君子有酒酌言獻之

賦也

兔以首言猶數魚以尾也獻者以酒酌賓也

○有兔斯首燔之炙之君子有酒酌言酢之

賦也

酢者賓既卒爵而酌以報主人也

○有兔斯首燔之炮之君子有酒酌言醕之

賦也

醕者欲以醕賓而先自飲以導之也○此章以瓠葉為蔬以兔為殽品物甚薄而賓主以是成獻酢醕之禮而誠敬盡焉固不在於籩豆之旅陳也禮與其奢也寧儉苟無誠敬以將之雖多亦奚以為哉

鵲巢四章章四句

漸漸之石

經旨曰將帥出征經歷險阻不堪勞苦而作此詩蓋有似於風也

漸漸之石維其高矣山川悠遠維其勞矣武人東征不

遑朝矣

賦也

漸漸高峻貌武人將帥也石之高峻人馬所難行也

朝晨初也當晨初即已不暇勞可知矣

○漸漸之石維其卒矣山川悠遠曷其沒矣武人東征

不遑出矣

賦也

卒與萃同崔嵬也謂山巔之末沒盡也不遑出謂深入而不能出也自不遑朝而至於不遑出則中間所歷之險阻亦多矣

○有豕白蹢烝涉波矣月離于畢俾滂沱矣武人東征

不遑他矣

賦也

蹢蹄烝衆也離歷月所宿也豕汙於塗不見蹢白久

雨停潦多故涉水濯其塗而見蹠之白也月離畢詳
見說理會編十五卷謂其所值之時適當多雨之候
故滂沱耳與書洪範星有好雨義同此皆既雨之事
非將雨之候也遇雨如此甚切武人東征之憂豈暇
於他及哉承上章不特經歷險阻而已且又有遇雨
之苦焉

漸漸之石三章章六句

茗之華

經旨曰：喪亂之餘，百物凋耗，君子不忍見之，故作此詩，蓋亦風也。

茗之華芸其黃矣

比也

心之憂矣，維其傷矣。

賦也

茗陵茗也。即今紫葳蔓生附喬木之上，其葉紫赤而繁，將落則全變而黃。茗華將落，則黃以比周室將亡，慘然憔悴也。傷者，傷周室之將亡也。

○茗之華，其葉青青

比也

知我如此，不如無生。

賦也

華已落盡，惟葉青青。以比周之人物已盡，所存者一

虛域耳我本不意所遇之世如此若知我如此則不如無生謂生則不忍見也

○牂羊墳首三星在留人可以食鮮可以飽

賦也

牂羊牝羊也墳大也羊瘠則首大牝羊瘠則不能孕而將無遺種矣留無魚動水而見三星則魚將絕矣盖羊食百卉乃肥歲荒草木皆瘁羊所以瘠也魚與蝗本一種歲荒盡化為蝗魚所以少也時之飢饉甚矣人之可以食者猶鮮可以飽况本無食可賴者乎

此我心之所以憂傷而不忍見也

茗之華三章章四句

何草不黃

經旨曰周道衰微征役不息行者苦之故作是詩蓋

王風也

何草不黃

興也

何日不行何人不將經營四方

興意

草衰則黃枯槁之色也將奉行也經營四方言征夫從將帥所統以經營四方之事也

○何草不玄興也何人不矜哀我征夫獨為匪民興也○矜與

同鰥

玄赤黑色草既黃而玄腐敗之色也矜韓詩作鰥

○匪兕匪虎率彼曠野哀我征夫朝夕不暇賦也

兕有力而善觸虎有力而善噬以比勇悍之士能攻戰者謂兕虎而循行曠野乃其宜也今征夫力皆不如兕虎而亦使之行於曠野朝夕不暇豈不可哀哉

○有芄者狐率彼幽草興也有棧之車行彼周道興意

芄尾長貌狐有狡計能避患而率由幽草之中常自
逸也棧旁有架貌此即役車非周禮士所乘之棧車
也乘此車行於周道者皆愚弱之民非若狐之能避
於幽草者也此其所以匪兕虎而可哀也歟

何草不黃四章章四句

詩說解頤正釋卷二十二

欽定四庫全書卷

詩說解頤正釋卷二十三

明 季本 撰

大雅

義見小雅

文王

經旨曰此詩周公追述文王之德所以受命而代商者以戒成王也東萊呂氏曰呂氏春秋引此詩以為周公所作味其詞意信非周公不能作也

文王在上於昭于天周雖舊邦其命維新有周不顯帝命不時文王陟降在帝左右

賦也

於歎辭帝上帝也在上非必以既没言蓋其德合於天而尊之之辭也其命維新於人心歸者見之陟降猶言進退即其心之動靜也言文王昭明之德上合於天而始受天命皆莫之為而為也蓋文王之德本至微而無所顯之迹也上天之命本於穆而無所向之時也特以文王一動一靜常與天俱所謂於昭于

天也是以天命自歸耳此章言文王受命之由也

○疊疊文王令聞不已陳錫哉周侯文王孫子文王孫

子本支百世凡周之士不顯亦世

賦也

疊疊勉強之意以文王之純亦不已者言也令聞則此不已之沒世不忘耳陳敷也哉語辭侯維也本宗子也支庶子也言文王敷陳其德而錫之於周使皆同德故其子孫在本宗則為天子支庶則為諸侯皆百世不絕而親其親矣至於本支百世所賴以謀國

者在於羣臣而文王之德亦錫及之故凡周之士亦有不顯之德而賢其賢矣凡言不顯者皆謂為已謹獨之功不求人知之學也雖文王純亦不已不過如此以不顯言周士者以為有此德然後可以佐理也亦世者亦百世也此正其陳錫於周者而今聞之所以不已也此章言文王德澤及人之遠也

○世之不顯厥猶翼翼思皇多士生此王國王國克生維周之損濟濟多士文王以寧

賦也

猶謀也翼翼敬也思語辭皇顯也惟多士有不顯之德故其猶翼翼而顯也濟濟齊一貌與楚茨濟濟同此承上章言周士之多足以為本支百世之楨幹而又追言文王時賴此濟濟之多士以寧者此其所以當以文王之德敷錫之也此章言周有賴於多士之意

○穆穆文王於緝熙敬止假哉天命有商孫子商之孫子其麗不億上帝既命侯于周服

賦也

穆穆即前章所謂不顯也緝即前章所謂亶亶也熙
即前章所謂昭也敬者不敢忽也止即大學止於仁
敬孝慈信之意敬而止之則常明也緝熙敬止正文
王不顯之德而天命之於穆者也最為要義假大麗
數也不億不止於億也謂天命之大係於商之孫子
以其不億之盡服于周者驗天命也此章言文王以
德受命之實

○侯服于周天命靡常殷士膚敏裸將于京厥作裸將

常服黼舄王之蓋臣無念爾祖

賦也

○作音佐

殷士者商孫子之臣屬也諸侯之大夫入天子之國
曰某士膚大敏捷也裸灌鬯也將送也孔氏云灌時
送爵也於禮王正裸后亞裸而殷士助祭行灌鬯耳
宗廟之祭以裸為主故舉裸言之京周京也作助也
黼黼裳也祭服上公九章舉一章以見之也舄殷冠
也蓋先代之後統承先王脩其禮物故以舄為常服
存殷制而不變也王指成王蓋進也忠愛之篤進進

無已也蓋以戒成王而不敢斥言故以蓋臣言之猶所謂敢告僕夫云耳無念念也爾祖文王也殷士之助裸將乃武王得天下以後事然受命實自文王始故歸於文王也此章言天命不可恃而商士之臣周為可鑒也

○無念爾祖聿脩厥德永言配命自求多福殷之未喪

師克配上帝宜鑒于殷駿命不易

也賦

○易音異後凡難易之易並同

聿發語辭永長配合師衆駿大也此申上章之意言

當鑒殷而脩德以求合於天命也

○命之不易無遏爾躬宣昭義問有虞殷自天上天之

載無聲無臭儀刑文王萬邦作孚

賦也

○有去聲

遏絕宣布也義德義也問聞通有又通虞度載事儀象刑法孚信也無遏爾躬不自絕於天也則能配命矣宣昭義問則有令聞矣有虞殷自天惟以殷之見絕於天者自度也然天道無聲無臭於穆而已實未嘗有意於亡殷即所謂帝命不時也但能儀刑文王

如所謂緝熙敬止者則萬邦自孚信之矣蓋文王即天也天所賦於我之理人所同得德足以感人心而天命豈外是哉此章言當法文王以合天命也

文王八章章八句

大明

經旨曰此詩周公言天命難保而陳文武受命代商之由以戒成王上篇推本於文王此篇則歸重於武王也

明明在下赫赫在上天難忱斯不易維王天位殷適使

不挾四方

賦也

明明德之明也赫赫命之顯也此泛言天人昭鑒之理也忱信也天位天子之位也殷適殷之適嗣也挾有也謂紂居天位為殷嗣乃使之不得挾四方而有之也此章即紂之失天下以明天命之歸有德也

○摯仲氏任自彼殷商來嫁于周曰嬪于京乃及王季

維德之行大任有身生此文王

賦也

○任音士後凡姓任之任並同

摯國名中女字曰仲壬摯之姓也殷商之諸侯也
嬪婦也京周京也嬪于京疊言來嫁于周之意王季
大王之子文王父也有身懷孕也為王季生文王而
發也先言摯任者任氏生於他國而與王季合德來
與之配蓋天意欲生文王見文王之生非偶然也

○維此文王小心翼翼昭事上帝聿懷多福厥德不田

以受方國

賦也

懷來也方國四方之國也受方國言得人心之歸見

文王之受天命也

○天監在下有命既集文王初載天作之合在洽之陽
在渭之涘文王嘉止大邦有子

賦也

有命既集集於文王也文王初載為世子時也洽陽
渭涘為莘國即大邦也文王嘉止者言其當行昏禮
之時而大邦即生女以待之也此起下章親迎于渭
之意

○大邦有子倪天之妹文定厥祥親迎于渭造舟為梁

不顯其光

也賦

倪譬也妹少女之稱譬如天之妹以其德與天合見大姒亦天所生也文禮文也祥吉也謂卜得其吉而行納幣之禮文也不顯顯也昏禮明著故其光顯也此承上章皆起下章生武王之意

○有命自天命此文王于周于京續女維莘長子維行

篤生武王保右命爾燮伐大商

也賦

續繼也女女事也謂大姒亦能維德之行而克續大

任之女事自莘國來嫁故曰維莘長子長女即大妣也
行嫁篤厚也言天篤厚之既生文王而又生武王也
右助燮和也爾指武王謂天保之佑之而命之燮和
人心以伐商也此言武王之生不偶然而成伐商之業也

○殷商之旅其會如林矢于牧野維予侯興上帝臨女

無貳爾心

賦也

矢誓也牧野在朝歌南七十里即書牧野誓師之事

也維予侯興言我從征之人皆興起也上帝臨女無
貳爾心爾作詩者指武王言人心皆興無不欲伐商
者所謂予有臣三千惟一心也人心所在即上帝之
所臨也故武王之心無所疑貳順之而已非謂恐或
有疑而贊其決也此承上章言武王順人心以伐商
之意

○牧野洋洋檀車煌煌駟騶彭彭維師尚父時維鷹揚
涼彼武王肆伐大商會朝清明也

賦也

洋洋廣大貌檀堅木宜為車者即臨戎之革車也煌
煌明盛貌駟馬白腹曰駟彭彭壯盛貌師尚父太公
望為太師而號尚父也鷹揚如鷹之飛揚而將擊言
其猛也涼當作諒信也肆伐大聲其罪也會朝出兵
相會之晨也言武王以革車三百兩伐商其在洋洋
廣大之牧野宜若不見其多然其車則煌煌然明盛
其駟則彭彭然壯盛亦可見其聲威之足以震人矣
而師尚父之鷹揚又為武王所信而仗大義以縱兵

伐商所以商紂如林之旅會于牧野罔有敵于我師
而前徒倒戈攻于後以北不崇朝之間盡除穢濁而
天下清明矣此章言武王以德服商實由天啟以終
首章之意

大明八章四章章六句四章章八句

絲

經旨曰此詩周公歷舉大王避狄患遷岐周而王迹
於此肇基且及文王得人心之事以戒成王也篇內

言古公對今而言故謂之古則此詩必作於周有天下之後矣

緜緜瓜瓞

此比也

民之初生自土沮漆古公亶父陶復陶穴

未有家室

賦也

緜緜不絕貌大曰瓜小曰瓞瓜之近本初生者常小其蔓不絕而後大以比太王初自豳踰梁山時其國尚小至岐周民歸者衆而始大也民周民也土齊詩作杜杜漆沮三水名漆沮者扶風之漆沮合杜水於

岐山之北而流出岐下以入渭者也詳見吉日字義
蓋大王初遷未至岐周定居故未有家室而先於杜
漆沮三水之間野處焉陶窰也復重窟也穴土室也
或為重窟或為土室皆若瓦窰之空其中故通謂之
陶此言大王初遷時之小也

○古公亶父來朝走馬率西水滸至於岐下爰及姜女

聿來胥宇

賦也

來者自土沮漆而來也岐下岐山之下即岐周也蓋

朝發於三水之間循其水滸而一日即至岐下也岐
周在后稷郃城西八十里間蓋復其舊封地也姜女
大王妃也但云及姜女來居者未敢期邠民之必從
已也此章言大王遷岐定居之事本無意於國之必
大也

○周原膺膺董荼如飴爰始爰謀爰契我龜曰止曰時
築室于茲

賦也

周原在岐山之南膺膺肥厚貌董美菜如內則婦養

舅姑以董之董許慎謂蒸食之甘者是也茶如七月
采茶食農夫之茶苦菜也得霜而甘脆飴餹糖也言
周原肥厚菜無分於甘苦而皆如飴也始者謀於已
也謀者謀於幽人也契者以荆木然火而灼龜也契
龜謂謀於鬼神也即洪範謀及乃心謀及卿士庶人
謀及卜筮之序曰者龜告之辭也止者於止為宜也
時者於時為宜也此章蓋因幽人從之者衆而為之
謀居也

○迺慰迺止迺左迺右迺疆迺理迺宣迺畝自西徂東

周爰執事

賦也

慰者慰勞之止者奠安之上章言曰止則龜告以於時宜居此也此言迺止則遂安於此以成龜告之意也左右者左右開地置邑以居其民也比已通在野而言矣疆理以分田言疆者畫其大界也理者別其條理也宣畝以營田言宣者導其溝洫也畝者治其田疇也自西徂東者言西自漆沮之水澍而東往岐

山之下也周爰執事者皆西來之人競出力以為其所當為也此章言大王定民居而為之制田里也

○乃召司空乃召司徒俾立室家其繩則直縮版以載

作廟翼翼

賦也

司空掌營國邑司徒掌徒役之事凡量地制邑必先度地以居民而後致衆庶令徒役故先召司空而後及司徒也繩所以為直凡營度位處皆先以繩正之既正則束板而築也縮束也載上下相承也言以索

東板投土築訖則升下而上以相承載也此以繩定室家之位而築板先作宗廟也禮君子將營宮室宗廟為先廡庫為次居室為後此見大王之重宗廟也

○掾之陜陜度之薨薨築之登登削屢馮馮百堵皆興

鑿鼓弗勝

賦也

○度如字馮音憑勝音升後凡憑藉之馮勝任之勝並同

掾盛土於藁也陜陜衆也度度於版上而投土也薨薨投土版中之聲登登漸高貌削屢牆成而重複削其凸處也馮馮有所依馮而取正也五版為堵說見

鴻鴈築牆而百堵興則衆工皆起矣鼙鼓鼓役事說
見鼓鐘弗勝者言其樂事勸功鼓不能勝其速也此
言大王之作宮室先築牆而民心勸也

○迺立臯門臯門有伋迺立應門應門將將迺立冢土

戎醜攸行

也賦

伋高貌將將大貌以臯言高以應言大互相備也作
室先立二門以尊觀望也而宮室之事自此畢矣冢
土大社即諸侯之國社詳見小雅甫田字義戎大醜

衆也大王於是又立冢土以依國社之神而凡有動
大衆之事則宜社以行蓋社為民而立者也周之大
事莫重於戎故特以戎醜言以起服昆夷之端也此
可以見大王肇基王迹之遠圖矣

○肆不殄厥愠亦不隕厥問柞械拔矣行道兌矣混夷
駮矣維其喙矣賦也○混音昆

肆大也用以為發語辭殄絕也愠謂昆夷怒大王之
遷居近地也隕墜也問聲聞也謂大王雖為昆夷所

怒然以德綏之而昆夷亦稱其美不失聲聞也柞栲
也栲白桺也皆惡木叢生有刺而能塞路者也拔抽
也抽去其根使不得生長也兌通也駝馬疾行貌言
突去如馬行之疾也喙張喙而息也言昆夷所以敢
於為患者恃其深林大麓之中路歧阻塞而人不易
入耳今柞栲拔去而道可通行則生齒漸繁往來不
絕而昆夷駝然避去喘息不暇矣即皇矣篇所謂串
夷載路也蓋大王居豳北有獫狁之侵及旣遷岐則

西有昆夷之擾但北狄大而西戎小幽地迫近強狄
非可力爭故去幽而遷岐此以小事大之智也若昆
夷實未嘗伐也惟以德綏之其心自服此則以大字
小之仁也他日至於文王而亦事昆夷不過率大王
之遺法耳此承上章言大王遷國肇基惟以服昆夷
為安民之急務也

○虞芮質厥成文王蹶厥生予曰有䟽附予曰有先後
予曰有奔奏予曰有禦侮

賦也

質正成平蹶動也生生意即良心也言文王能動虞
芮二國之良心故質正而求成也若岐周有昆夷之
患今自大王以來能盡以大字小之仁而文王纘之
既有以服其心則所行皆安民之政而化行於諸侯
之國莫不皆服矣安民之政自得賢之助始故又以
四臣之助終焉予詩人自予也率下親上曰䟽附相
道前後曰先後喻德宣譽曰奔奏武臣折衝曰禦侮
以見文王之造周皆纘大王之緒而成王所以繼大

王之業者當如文王之用賢也

繇九章章六句

此詩前八章皆言大王遷岐創造之事以見周家王業所由興也九章言文王得虞芮之歸心與上文似不相屬雖遷就其說以求通終屬牽強竊意虞芮一章或是錯簡惟以屬於思齊譽髦斯士之後庶幾理順耳

棫樸

經旨曰此詩周公述武王作人之德以戒成王也舊
說謂詠歌文王之德則以辟王為後人尊稱之辭理
猶可解但六軍乃天子之軍制而豈文王所得有哉
此但可以為武王事而不可以文王言也

芄芄械樸薪之樵之也濟濟辟王左右趣之也

賦也

樸叢生也根枝迫迤而相附着也樵積也積以待乾
也械本惡木徒足以害嘉卉去之則嘉卉生然械樸
之乾者則薪之未乾者則樵之皆得用以烹飪亦未

嘗棄也以比去小人然後可以養君子而於小人亦
不棄此王者作人之道也濟濟齊楚貌義見楚茨辟
王指武王左右謂在其左右而不離也此章言武王
能作人則人心歸附而於朝廷之事百執事皆欲在
其左右而趨承矣

○濟濟辟王左右奉璋奉璋戕戕髦士攸宜

賦也

璋璋璜也祭祀之禮王裸以圭璜諸臣助之亞裸以
璋璜璜勺也圭璋其柄也璋比圭得其半故半圭為

璋執璋以亞裸者大宗伯而羣臣在其左右贊裸將之事者非一人曰奉則謂奉承璋事非謂左右兩人交奉而內可判也戕戕壯偉之貌髦士俊士言諸臣之賢也宜猶稱也此章言宗廟之事諸臣之賢者皆欲在其左右而助之以奉璋也

○潁彼潁舟烝徒楫之興也周王于邁六師及之興意

潁舟行貌潁水自幽西發源南入於渭武王都鎬在渭水南則潁舟注渭所以通鎬京也故以潁舟起興

言涇舟順流而下徒衆以楫棹之猶武王往邁而六
師追及之衆歸其德不令而行也自武王伐紂惟用
虎賁三千人其他征伐未有六師盡行者意必以大
狩講武於焦穫者言歟但此詩之意惟以見人心之
歸不必指實事也此章蓋言軍旅之事為士卒者皆
欲從之以往邁也

○倬彼雲漢為章于天

興也

周王壽考遐不作人

興意

倬大也雲漢天之文也為章于天言其文之高大也

武王老而受命嘗自言綏我眉壽此周王之所謂壽
考也言武王壽考則其德積之悠久斐然有文與天
同其高大人皆鼓舞何有不興起者乎蓋武王得人
心之歸附其原在於作人也

○追琢其章金玉其相也比勉勉我王綱紀四方賦也○追音堆

追雕也金曰雕玉曰琢相質也追琢比功夫之有文
也金玉比生質之本美也此以自治言也言所以作

人者豈在求之人哉亦惟自治以復其本體而已我
王指成王綱者舉綱之大繩以張網之目也紀者理
目之小縷以屬網之綱也綱紀四方惟在於得人心
故戒成王以脩德作人之功勉勉不已然後可以為
四方之綱紀也

棧樸五章章四句

旱麓

經旨曰此亦周公歌武王之德自求多福者以告成

王也蓋四章言駢牡旣載則當自武王為天子尚赤
之後言耳

瞻彼旱麓榛楛濟濟

興也

豈弟君子千祿豈弟

興意

麓山足也旱麓山麓之不通水泉者榛似栗而小楛
似荆而赤皆賤木而人灌溉之所不及也濟濟滋濡
齊盛之貌君子指武王言旱麓之榛楛本不資人力
之灌溉而自然有濟濟之盛以喻人之生理自不能
遏也蓋君子有豈弟之德則福祿隨之是以豈弟而

干祿也君子本無干祿之心猶所謂以堯舜之道要湯云耳

○瑟彼玉瓚黃流在中興豈弟君子福祿攸降興意

瑟續密貌玉瓚圭瓚也黃流秬鬯也玉瓚貴器黃流美酒有玉瓚則自然有黃流之注而黃流不能外玉瓚矣猶君子有豈弟之德則自然有福祿之降而福祿不能外豈弟矣此申上章干祿豈弟之意

○鳶飛戾天魚躍于淵興豈弟君子遐不作人興意

天地發育萬物生意無所不至故鳶之飛則至于天
魚之躍則在於淵皆自然之生理而吾道之所察也
君子有作人之德則人皆興起無不化而為善如鳶
魚之飛躍於天淵則為察矣此章言武王之德能感
人也感人則人歸所以為福

○清酒既載騂牡既備以享以祀以介景福

賦也

清酒兼裸獻之酒謂鬱鬯并五齊也載盛於尊也騂
牡用之以取膋求神故特言之而自燔膋以至剥烹

禮無不備也故下文以享祀承之此章言武王能感神也感神則神饗所以助之大福也○清酒騂牡詳見信南山享祀詳見楚茨各字義

○瑟彼柞棫民所燎矣興也豈弟君子神所勞矣興意

瑟亦以密言燎者取以供饗也因上章享祀則有廩饗饗饗而言蓋柞棫小木非美材長育之久至於茂密則民得以為薪燎以事神况君子有豈弟之德積久而能作人豈不足以為神所勞乎此申上章言神

所以介景福之意

○莫莫葛藟施于條枚

興也

豈弟君子求福不回

興意

莫莫說見葛覃條枚說見汝墳葛藟以喻福條枚以喻君子之德條枚無意於求葛藟猶君子無意於求福也不回正言其無求福之心也

旱麓六章章四句

思齊

經旨曰此詩歌文王之德而推其本於閨門也

思齊大任文王之母思媚周姜京室之婦大姒嗣徽音

則百斯男

賦也

思語辭齊德之一也媚愛也周姜大王之妃大姜也
京周也大姒文王之妃也徽美也百斯男言其子孫
之多舉成數也媚周姜謂致孝也嗣徽音繼大任之
美也百斯男謂不妬而多男曰百者并子孫言之也
此章為文王刑于寡妻而發故推本大任閨門之教
以見大姒之賢有自也

○惠于宗公神罔時怨神罔時恫刑于寡妻至于兄弟

以御于家邦

賦也

惠順也宗公宗廟先公也時是恫痛刑法也閨門之中一有欺罔得罪於神則為神所惡而怨矣為神所傷而恫矣不欺鬼神所謂惠也隱微之間一毫無愧如此則能為法於寡妻矣言寡以見其雖寡弱而不可侮也御臨也自族人而言則曰家自國衆而言則曰邦近之而至于兄弟遠之而御于家邦皆自刑寡

妻始家齊而後國治也此章要旨在於刑寡妻而已

○雝雝在宮肅肅在廟不顯亦臨無射亦保

賦也

雝雝和也肅肅敬也在宮和之處也在廟敬之處也在宮而和常恐其褻故在宮雝雝之時必有在廟肅肅之敬然後為不欺鬼神也不顯言人所不見也臨如臨民臨事之臨言其顯也射與數同厭也言獨知之地常若有臨則工夫純而不已矣然兢兢自持不以已純而忽於保此可見其心之嚴於隱微而閨門

之內所以為寡妻之法者在是矣

○肆戎疾不殄烈假不瑕不聞亦式不諫亦入

也賦

肆發語辭而有大意戎疾大難如崇侯之讚姜里之
囚密湏之征昆夷之事是也殄絕也烈光假大也瑕
玷也言大難雖不能無而光大之德則無所瑕也蓋
德極其盛遇事而不動心如此聞泛聞於人也諫見
規於人也式合於法也入入於善也文王德性之知
非因事而有假於聞見然其亦式亦入即其不顯亦

臨無射亦保之功也

○肆成人有德小子有造古之人無斁譽髦斯士

賦也

冠以上為成人小子童子造謂為其業也古之人指文王無斁不已也髦俊也此章言文王之德純亦不已故能成就人才使為髦士而皆有美譽也首篇所謂不顯亦世者蓋在於此○按縣之虞芮質厥成章若以屬於此章之下理亦可通

思齊五章二章章六句三章章四句

皇矣

經旨曰此周公叙大王王季文王王迹之所起以告成王使之所本也集傳得之

皇矣上帝臨下有赫監觀四方求民之莫維此二國其政不獲維彼四國爰究爰度上帝耆之憎其式廓乃眷

西顧此維與宅

賦也○者音指

皇大也赫盛明也監觀莫定也二國夏商也不獲謂失其道也四國四方之國也究究其極度度其宜皆

言民心謀欲得君而主之也者與武者定爾功之者
同致也憎當作增式以規制言廓以幅員言謂增大
其立國之規模也眷回顧也此者指岐周之地宅居
也此章首言天眷大王使居岐周為根本之地也

○作之屏之其菑其翳脩之平之其灌其柵啟之辟之
其櫟其楮攘之剔之其縻其柘帝遷明德串夷載路天

立厥配受命既固

賦也

○屏必
郭反

菑翳皆木之已死者則拔去之灌柵皆木之妄生者

則治平之櫟据無用之木則辟除之使不萌芽櫟柘
有用之木則踈剔之使無繁冗此皆通道之事蓋幽
民相從大王遷岐開闢地闢則民可居而道路通也
明德者明德之君即大王也串夷當作昆夷載路即
前篇昆夷駢矣之事大王初遷與姜氏聿來胥宇姜
氏蓋有助焉故言天立厥配以見其有內助之功也
此章言大王定宅於岐而天命始固也

○帝省其山柞械斯拔松栢斯兑帝作邦作對自大伯

王季維此王季因心則友則友其兄則篤其慶載錫之

光受祿無喪奄有四方

賦也

省視拔去兌通也柞械拔而松栢通所謂通道也義
見縣上章作屏脩平啟辟攘剔之事亦此意也帝省
其山如此見周有興起之勢也作邦以後日得天下
言作對以後日配上帝言大伯大王之長子也王季
大王之少子也蓋謂周家配天之業始於大伯王季
也當時大伯以王季之德人心所歸足以任天下之

重而已則恭默無為才畧殆不及焉故以國讓王季使王季為小庶之避則周家之業未必能成而王季友愛切至因於本心能體其兄大伯之意遂受而不辭故周家之慶益篤雖其功業非大伯所為而亦錫之以光如書所謂於湯有光也舊說以為與其兄以讓德之光則與孔子所謂民無得而稱者有戾矣蓋大伯之讓止是家庭常事有何異焉而王季受之亦不以為將得天下也但原周所以得天下之由則自

王季受大伯之讓始故推及大伯言之自史遷以來
言此事者多失本意詳見說理會編卷六奄忽也奄
有四方即上文作邦作對也蓋以文王言文王能得
天下之人心即已奄有四方矣此章言文王得國之
事以明周有天下之由

○維此王季帝度其心貊其德音其德克明克明克類
克長克君王此大邦克順克比比于文王其德靡悔既
受帝祉施于孫子
賦○貊音莫

度華谷嚴氏謂為他人有心予忖度之之度是也上言帝省其山以功言此言帝度其心以德言貊韓詩作莫貊其德音者莫然清靜而無聲無臭之意蓋王季此心之微與天通也明明其明德也類肖乎天地也自其容養而言謂之長自其主宰而言謂之君王大邦者謂興王業於周也順比以人心言克順能使人愛也克比能使人從也言王季有明類長君之德能使人順比以興王業也至于文王其德亦如王季

而無可悔無可悔則無毫髮之懽於心矣故能受天之福而延及子孫此亦王夫大邦之意也此章言王季之德能興王業以貽文王也左傳釋此章度莫明類長君順比文九字之義語既強排而文亦繁複今不從

○帝謂文王無然畔援無然歆羨誕先登于岸密人不恭敢距大邦侵阮徂共王赫斯怒爰整其旅以按徂旅

以篤周祜以對于天下

賦也

○

共音恭按音遏

帝謂者言天意知文王也無然者實無也非謂不可
如此也畔援者有畔岸而攀援之人心依於物則有
畔有畔則有援矣文王之心至虛無物何有畔援歆
羨者有歆動而羨慕之也心感於欲則有歆有歆則
有羨矣文王之心至靜無欲何有歆羨此所以先登
干岸也誕亦大也而用為發語辭岸即至善之地先
登者猶言先得即先知先覺之謂也惟其心如此所
以至公無私順民好惡而密人肆患不容以不遏也

密近岐而界於戎翟之國在今平涼府涇州距逆也大邦謂周阮小國共則阮之邑也與密人相鄰殷政不綱故諸侯放恣而密人敢侵小國然文王已為西伯則其所專征之地也於是整我之旅以遏密人徂共之旅整旅之旅文王之旅也徂旅之旅密人之旅也言旅則不用大衆可知然密人聞文王起兵蓋亦退去矣此阮人望文王來救者也故曰對於天下天下之心歸之周祜所以篤也此章言天以文王有德

而使之伐密以得天下之心也

○依其在京侵自阮疆陟我高岡無矢我陵我陵我阿
無飲我泉我泉我池度其鮮原居岐之陽在渭之將萬
邦之方下民之王也

賦也

京周京依其在京言其有根本可以憑也文王之兵
一出旣遏密人徂共之旅矣乃從阮之疆畔與密相
鄰之處銜枚卧鼓出密人不意而侵之所以示神速
使知懼也然未嘗與戰而密亦不言出降見其已遁

去而小醜不足為慮故遂還師也陟我高岡以下皆
既還而諭密之辭也蓋使之無陳師於我陵之阿無
飲水於我泉之池且自度岐周之地乃鮮少之原萬
邦所向而下民所歸依此以為根本孰敢當之以戒
密人之不犯也而密人自此亦靖謐矣此終上章伐
密之事舊說以度鮮原居岐陽為徙都程邑則於上
文伐密之事不相連屬而又不言遷程之詳語亦近
晦竊意大王遷岐經營周悉已歷三世人心安焉遷

國重事也豈可輕議雖民歸漸衆自宜就野受廩何
必併國邑遷之而況岐陽渭將非遠在故都之外者
乎且不數年而即遷豐豐在岐之東南三百里因臧
崇而以其地作邑焉蓋闢地漸廣而崇之頑民未馴
宜親鎮撫之以定其疆理導其化源為生民計不得
不然耳觀文王有聲之詩歷叙文武豐鎬之遷而不
及於程則遷程之說本不經見及考史記亦無遷程
之事惟逸周書稱王宅程三年遭天大荒而遷豐蓋

附會也後儒因以程為漢扶風安陵即今咸陽縣又或以程為畢郢之郢亦皆臆說耳

○帝謂文王予懷明德不大聲以色不長夏以革不識不知順帝之則帝謂文王詢爾仇方同爾兄弟以爾鉤援與爾臨衝以伐崇墉

賦也

予設為上帝之自稱也懷眷念也明德文王之明德也聲謂言辭色謂容貌夏謂侈大革謂變更不大不長非但言不大之不長之而已蓋已入於無之意正

所謂無畔援歆羨也此將舉伐崇之事而先言其喜
怒之合於天而無私也仇方指崇也集傳據史記以
為崇侯虎嘗譖西伯於紂紂囚西伯於羑里西伯歸
三年伐崇如此則為私怨矣蓋虎之在崇倚紂為虐
其害民有不可勝言者其譖之也亦忌之也虐民已
甚衆所共讎故曰仇方文王久以西伯專征有功紂
疑已解因崇罪不可赦而伐之非私怒也故又以帝
謂發之見其當伐而伐所以順帝則也兄弟與國也

鉤援雲梯也援引也所以鉤引上城故謂之鉤援臨
臨車在上臨下者也衝衝車從旁衝突者也皆攻城
之具備鉤援臨衝以為攻具亦可見崇之負固矣墉
城也崇詳見文王有聲字義此章言文王伐崇之順
天命也

○臨衝閑閑崇墉言言執訊連連攸馘安安是類是禡
是致是附四方以無侮臨衝弗弗崇墉仡仡是伐是肆
是絕是忽四方以無拂

賦也

閑閑不暴急也言言使其言語得達也執訊其所出
降之人當訊問者則執之也連連謂不絕也攸馘謂
訊之而所當馘者安安使安其生而不殺也類謂類
聚所當祀之羣神以告祭非常祭也禡謂祭軍中旗
纛之神也致致其來也附使之來附也茀茀將攻之
時蔽茀之也化化城將壞而人心搖也絕滅其國也
忽忽然言其易也此言文王於崇本無殺戮之心但
示安閑而祭神以致其來附既服則待之以不死也

其負固不服者然後臨城攻之縱兵大伐而城中人心搖動故其國忽然而滅不勞餘力也當時必崇人先有出降者文王既以不死處之而崇侯猶負固故滅之也無侮者懷恩而不敢有侮慢之心也無拂者畏威而不敢有拂逆之事也順逆之情異而恩威之感殊此侮拂之所由別也○按左傳文王伐崇三旬不降退脩教而復伐之因壘而降其序與此詩不合不必盡以為據也

皇矣八章章十二句

靈臺

經旨曰周人追思文王有臺池鳥獸之樂而又於辟
廡作樂以樂育人材也故作此詩文王存日未嘗稱
王曰王在見其為武王時詩矣

經始靈臺經之營之庶民攻之不日成之經始勿亟庶

民子來

賦也

臺而曰靈民樂而以明神之靈稱之也靈囿靈沼亦

然經度營表攻作也經始勿亟謂經始之時量工命日勿急其期非謂文王戒以勿亟也此章言文王作靈臺而民樂於趨事也

○王在靈囿麇鹿攸伏麇鹿濯濯白鳥鵲鵲王在靈沼於物魚躍也賦也

囿者築牆為界域而養禽獸於其中也攸伏安於孳乳而不驚動也濯濯肥澤貌鵲鵲潔白貌物滿也魚滿而躍言多而得其所也此言文王樂臺沼之樂也

○虛葉維樅賁鼓維鏞於論鼓鍾於樂辟廱

賦也

○賁音墳

虛葉懸鐘磬者此編鐘編磬也舉此則八音皆備可知矣賁大鼓所以鼓衆而興事者也鏞與書笙鏞以間之鏞同即鐃鐘也論與倫同先後有序之意鼓與賁鼓不同周禮鼓人所謂以晉鼓鼓金奏者是也鐘亦從晉鼓以節之大鐘非鏞也蓋以鐘鼓先之而後作樂鼓鐘鼓每並言之陳氏暘曰樂之作也先鼓以警戒後鐘以應之意正謂此詳見廟制考義二卷末

於論鼓鐘以上三句但言其設樂器耳於樂辟靡言

文王自沼園而至辟靡樂育人材之意未及作樂也

○於論鼓鐘於樂辟靡鼙鼓逢逢矇矇奏公也

賦

○逢薄紅反

鼙象龍形長丈餘聲如鼓皮堅厚故以冒鼓而名鼙

鼓蓋即賁鼓以其大也鼙鼓鼓衆而後矇矇始奏作

樂之事也蓋至此而後樂始作矣○此詩言文王既

樂臺池鳥獸本有萬物各得其所之意而又樂育人

材於辟靡既久而民猶思之此非文王與民同樂而

能致其然哉

靈臺四章二章章六句二章章四句

下武

經旨曰此美武王能繼大王王季文王之緒也蓋成

王時詩意亦周公所作云

下武維周世有哲王三后在天王配于京

賦也

下武者不尚武之謂也不尚武則周之哲王皆有文德者矣王謂武王配對也謂三后德合於天而武王

能配之也京鎬京也蓋武王以武定天下然非其心之所尚也故特發之以明周之家法惟在於文德也
○王配于京世德作求永言配命成王之孚也賦也

武王所以能配三后于京者以其志在繼述於先世之德能起而求之以長言合乎天命故能成王者之信於天下而配三后也王者之事業莫大於信信則天下心服而王矣此章言武王所以能合三后之德也

○成王之孚下土之式永言孝思孝思維則也賦也

此言武王信孚於天下而為民之法者惟其心長存於孝耳孝思永則民之為法亦永矣所以為永言配命也

○媚茲一人應侯順德永言孝思昭哉嗣服也賦也

媚愛侯維也媚而應之以順其德即是下土式武王之孝也昭即其孝之著也服事也謂嗣先世之事也此覆說上章之意

○昭茲來許繩其祖武於萬斯年受天之祜

賦也

茲即上章之哉蓋聲相近而通用也來來世也許陳氏以為語助也繩者以為準繩而取正也武迹也繩祖武即上章所謂嗣服也言武王之德所以昭明於來世者亦惟繩其祖武而已故萬年之久能受天祜見其德之昭明其福悠久無疆也

○受天之祜四方來賀於萬斯年不遐有佐

賦也

賀朝賀也遐何佐助也言無不助周也此申上章受

福無疆之意

下武六章章四句

文王有聲

經旨曰此詩專叙文王遷豐武王遷鎬之事明其皆以得民心而為君也

文王有聲通駿有聲通求厥寧通觀厥成文王烝哉

賦也

通與聿同發語辭駿大也烝之訓君蓋本爾雅竊意烝衆也得衆然後可以為君故直以為君耳此章言

文王以安民觀成功而聲名洋溢所以為君也

○文王受命有此武功既伐于崇作邑于豐文王烝哉
也賦

受命者以安民而受命也有武功以起伐崇而作豐
邑非以武功為重也豐即崇地文王既滅崇則拓地
漸廣而其民未馴宜親撫治之故徙居焉而文王之
澤所及益遠矣蓋自岐周而遷豐也逸周書稱王宅
程三年遭天大荒而遷豐其說妄矣說見皇矣此章

言文王受命遷都而德澤及遠也

○築城伊瀋作豐伊匹匪棘其欲適追來孝王后烝哉

也賦

瀋城溝也方十里為成成間有溝深廣各八尺則方
圍四十里城之大者也匹稱謂禮所得為稱上公之
制也欲謂廣都邑以自侈大之欲也追來孝者謂追
先人來及之孝也興王之本在此故曰王后此章言
文王之築豐邑本繼志而興王業也

也賦

○王公伊濯維豐之垣四方攸同王后維翰王后烝哉

公功也濯者洗濯一新之意垣即城也豐之有垣以
為保障此王功之所以一新而四方人心歸向皆以
文王為楨榦言楨榦則所以為垣之本在人矣稱王
后與上章意同此章言文王為人所倚仗而莫不歸
心也

○豐水東注維禹之績四方攸同皇王維辟皇王烝哉

也賦

豐水東北流經豐邑之東入渭而注於河此便於舟楫之道而禹功正欲便民如此也武王起於豐邑以有天下四方於此來同而武王遂得為君故稱皇王變王后言皇王者一統天下則其事又大也自其根基之積厚有所樹立而言謂之后自其德業之顯著無不遍覆而言謂之皇此其所以為文王武王之別也此章言豐水係於王業之成而為下章遷鎬張本

也

○鎬京辟靡自西自東自南自北無思不服皇王烝哉
也賦

鎬在豐東武王既有天下而始遷之以其地為四方
舟楫之所便所以親諸侯也既遷而即為辟靡以講
學行禮則所以綏文德者莫切於此此人心之所以
無不心服而德教溢乎四海矣自西自東自南自北
者以四方來同者言也心服故曰思

○考卜維王宅是鎬京維龜正之武王成之武王烝哉
也賦

考稽也考於人心也人心順則為吉兆矣於是以龜
決而正之而武王乃居鎬京以成龜兆之吉也蓋承
上章而言其遷鎬本於天定而王業成也


○豐水有芑武王豈不仕詒厥孫謀以燕翼子武王烝
哉賦也

芑嘉穀白梁粟也詳見七月字義仕事也燕燕安之

道也翼如輔翼之翼子指成王言豐水本出嘉穀可
以久居而武王所以不有事於豐者正欲貽其孫以
久遠之謀也久遠之謀惟以燕安之道輔翼其子耳
蓋惟得人心之歸然後可以燕安故鎬京之遷所以
順四方之心也文王之在豐非不順人心者但為方
伯四方雖同其至有時都於豐水上流舟亦足以容
矣及武王為天子則四方之同來者益衆故於豐之
下流為尤便也於是遂以宅鎬京為首務詩人以豐

水東注言於武王其有以哉

文王有聲八章章五句



詩說解頤正釋卷二十三